

մէկէն կ'այլանայ այս կարգի հարուածներով: Սովորութիւն է այս հարուածներուն արձակումը կապել կիներուն մատներուն: Այնքան անսպասելի հոգեկան մատնութիւններ, ուրացումներ մեզ կ'ընեն քիչիկ մը իմաստուն զգացական մարդին վրայ: Խաբուող երիտասարդը առաջին դասը երբեմն կեանքովը կը տուժէ: Ու աւելի ետքը, կեանքին վրայ մեր նետելիք գոյնը կը ճարենք այդ առջի երիտասարդութեան մաղձէն կամ ծիրանի գօտիէն: